

螫龍吟

睡神仙睡神仙石根高臥忘其年三光沉淪性自圓氣歸玄
竅息息任天然莫散亂須安恬溫養得永性兒圓等待他鉛花
兒現無走失有防閑真火候運中間行七返不艱難煉九還何
嗟嘆靜觀龍虎戰場戰暗把陰陽顛倒顛人言我是矇矓漢我
卻眠兮眠未眠學就了真臥禪養成了真胎元臥龍一起便昇
天此蟄法是誰傳曲肱而枕自尼山樂在其中無人諳五龍飛
躍出深潭天將此法傳圖南圖南一派儔能繼邈邈道人張丰
仙

美金華二首

道藏輯要

三丰全集

玄要篇下

三

續畢集入

題義按參同云古記題龍虎黃帝美金華龍虎金華皆
古聖垂訓書也丹家以金華比真鉛故契云卒得金華
轉而相因化爲白液凝而至堅蓋言汞得真鉛而化液
入黃庭而成至寶也又云鉛體外黑內懷金華蓋以造
丹者於黑鉛之中取出白金制成戊土名曰美金華則
金華之貴重極矣調名取此

金華朵朵鮮無財難修煉不敢對人言各自糊盤算訪外護未
遇高賢把天機牢抱幾年聊試驗妙更玄憑慧劍採先天今日
方知道在目前纔信金丹有正傳吹的是無孔之笛彈的是無
絃之瑟喜的是黃芽白雪愛的是首經紅鉛飲的是延命仙酒